



Broj: 01-14-7-552-10/19
Sarajevo, 01.08.2019. godine

Na osnovu člana 64. stav (1) tačka b) , člana 70. st. (1), (3) i (6) Zakona o javnim nabavkama ("Službeni glasnik BiH," broj 39/14) i Preporuke Komisije za javnu nabavku, broj 01-14-7-552-9/19 od 31.07.2019. godine, u postupku javne nabavke usluga - fiksne telefonije, direktor Agencije za državnu službu Federacije BiH, donosi

ODLUKU o izboru najpovoljnijeg ponuđača

Član 1.

Prihvata se Preporuka Komisije za javnu nabavku usluga fiksne telefonije, broj: 01-14-7-552-9/19 od 31.07.2019. godine i Okvirni sporazum za javnu nabavku usluga fiksne telefonije, dodjeljuje se ponuđaču BH Telecom d.d. Sarajevo – Direkcija Sarajevo, Zmaja od Bosne 88, Sarajevo, po ponudi, broj: 08-38-68112/19-02 od 29.07.2019. godine, za ponuđenu cijenu od 9.741,32 KM (slovima: devethiljadasedamstotinačetrestjedan KM i 32/100) bez PDV-a.

Član 2.

Prijedlog Ugovora o nabavci dostavit će se na potpis izabranom ponuđaču BH Telecom d.d. Sarajevo- Direkcija Sarajevo.

Član 3.

Zadužuje se Komisija za javnu nabavku usluga fiksne telefonije da u skladu sa odredbama člana 70. stav (2) Zakona o javnim nabavkama obavijesti ponuđače o rezultatima provedenog postupka.

Član 4.

Ova Odluka objavit će se na web-stranici www.adsfbih.gov.ba istovremeno sa upućivanjem ponuđačima koji su sudjelovali u postupku javne nabavke, u skladu sa članom 70. stav 6. Zakona o javnim nabavkama.

Obrazloženje

Postupak javne nabavke usluga – fiksne telefonije pokrenut je Odlukom o pokretanju postupka javne nabavke, broj: 01-14-7-552/19 od 25.06.2019. godine. Javna nabavka je pokrenuta putem konkurentskog zahtjeva za dostavu ponuda. Procijenjena vrijednost javne nabavke bez PDV-a je 11.965,00 KM.

Obavijest o nabavci, broj 167-7-2-49-3-5/19 objavljena je na Portalu javnih nabavki dana 19.07.2019. godine.

Tendersku dokumentaciju sa Portala Agencije za javne nabavke BiH preuzelo je ukupno 9 ponuđača.

Komisija za javnu nabavku, imenovana Rješenjem direktora Agencije, broj 01-14-7-552-1/19 od 25.06.2019. godine, zaprimila je pristigle ponude, izvršila njihovo otvaranje, te pregled i ocjenu ponuda, prema zahtjevima i kriterijima iz tenderske dokumentacije.

U postupku javne nabavke utvrđeno je sljedeće:

- da je ukupan broj pristiglih ponuda 2 (dvije);
- da su blagovremeno zaprimljene 2 (dvije) ponude;
- da nije bilo neblagovremenih ponuda;
- da su primljene ponude prihvatljive i da nije bilo neprihvatljivih ponuda.

U postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima, i tenderskom dokumentacijom.

Uvidom u priloženu dokumentaciju utvrđeno je da je ponuđač BH Telecom d.d. Sarajevo – Direkcija Sarajevo dostavio kvalifikovanu ponudu koja je u skladu sa procijenjenom vrijednosti nabavke te je odlučeno kao u članu 1. ove odluke.

U postupku donošenja ove odluke, posebno su cijenjene činjenice da je Komisija pravilno i potpuno izvršila ocjenu kvalifikovanosti ponuđača, te ocjenu prispjelih ponuda, u skladu sa kriterijima iz tenderske dokumentacije.

U postupku ocjene provedenog postupka, Ugovorni organ nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za nabavke.

Najpovoljnija ponuda, na osnovu kriterija "najniža cijena" je ponuda ponuđača BH Telecom d.d. Sarajevo – Direkcija Sarajevo, adresa Zmaja od Bosne 88, koja ispunjava uslove tenderske dokumentacije, te je, nakon izvršene ukupne ocjene ponuda, izabrana kao najpovoljnija u predmetnom postupku javne nabavke.

Iz navedenih razloga, odlučeno je kao u dispozitivu.

Pouka o pravnom lijeku:

Protiv ove odluke može se izjaviti žalba Uredu za razmatranje žalbi, putem ugovornog organa Agencije za državnu službu Federacije BiH (Kulovića broj 7, Sarajevo), najkasnije u roku od 5 (pet) dana od dana prijema Odluke, na način propisan Zakonom o javnim nabavkama ("Službeni glasnik BiH", broj 39/14) .

Žalba se podnosi u najmanje 3 (tri) primjerka.

**PO OVLAŠTENJU DIREKTORA
SEKRETAR AGENCIJE**
Zinka Salihagić, dipl. iur



Dostaviti:

- ponuđači 2x
- Odsjek za računovodstveno-finansijske poslove
- u predmet
- a/a